

محمد سليمان

# موال الصبر

أشعار بالعامية المصرية

صدرت الطبعة الأولى في سبتمبر ٢٠١٩



محمد سليمان

## بطاقة الكتاب

عنوان المؤلف	موال الصبر
المؤلف	محمد سليمان
التصنيف	أشعار
رقم الإيداع	١٥٧١٨ - ٢٠١٩
الترقيم الدولي	٨-٦٢-٦٧٢٦-٩٧٧-٩٧٨
رقم الإصدار الداخلي	٤٧٢ الطبعة الاولى سبتمبر ٢٠١٩
عدد الصفحات	٩٠ صفحة
تصميم الغلاف	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأي دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

# مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 - تليفاكس: 020554372901

YouTube f Twitter النيل والفرات nagyegy200064@gmail.com

YouTube f Twitter alnilwaalfourat alnilwaalfourat@gmail.com

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الـ 13 - عقار 304



محمد سليمان

# الإهداء

إلى زوجتي وشريكة كفاحي وعمري

إلى أولادي وزهراتي الجميلي

إلى قرائي وأحبائي

إلى وطني

أهدي إليكم أشعاري

محمد سليمان



# وفيت حتي بكيت

وفيت وأخلصت يا ناس

وفيت لكل الناس

ملقتش أنا الإخلاص

لحد ما بكيت

وصعب عليا حالي

من الوفا وإللى جralي

تعب كثير حالي

مكنت أنا فى حالي



فاكر كل الناس زى  
محدث منهم قالى  
ولا على حالى طمنى  
إيه جرى منى  
لما يروح الإخلاص  
حصل إيه فى الدنيا  
لما الوفا يروح فى ثانيه  
هى الدنيا إيه غير وفا  
اللى جالى منه البكا

وفضلت أوفى  
وشايل همومى على كفى  
ويقوينى عليها ربى  
هو اللى عالم بى  
وبدل البكا يسعدنى  
محنا فى زمن الغدر  
والكل فى حاله غاوى الهجر  
إحترت أنا يا ناس  
من عمايل الناس  
اللى راح منها الوفا والإخلاص  
وأنا وفيت حتى بكيت

# ماتت ضحكتي

ماتت ضحكتي ماتت

ماتت من كثر ما شافت

شافت كتير

من عدم التقدير

وشافت أسي وقلة ضمير

لحد مماتت ضحكتي

ويا ناس الفرح فين

نسينا له سنين





ومن الأسوة تعبانين  
منها نزل دمع العين  
وسال على الخدين  
وهما يا عين ساكتين  
على الدمع مش قادرين  
لحد معمل خطين  
موتو ضحكتي  
ومفضلش حاجة فى عمرى  
ما هو فايت يا ناس يجرى



وخلص خلاص يا عمر

مفيش حاجة تسر

الكل بيدور على نفسه

ومش شايف غير نفسه

والنفس أمارة بالسوء

والشيطان لها بيسوء

ونفسى فى حاجة نفسى

أسعد بها نفسى

وساعدينا يا دنيا

تبقي حاجة تانيه



وترجع البسمة لنا  
ومعها ترجع ضحكتي  
الى ماتت



# علمتني الأيام

أبص لقدام

وللכל إحترام

وعلمتني الأيام

إنها مش دايمة

مراكبها عايمة

فى بحر الحياة

ما هى رايعه وجايه

وآه من الأيام

وآه من اللى تعملو الأيام

شفت منها ياما  
كله تاه فى سكة الندامه

ما هى قاسيه علينا

زودت الألم فينا

ولا حد سأل علينا

خايف من الأيام

لما الغدر يحلالها

وتزود فينا عمايلها

وتعبتنا الأيام

ومنها نسهر منام  
ويعدى يوم ورا يوم  
وأنا على الغلب مغروم  
وأعيش من السعد محروم  
أنا بدعى الحي القيوم  
يعدلى الأيام  
ويحلو زمانى  
ومبقاش وحدانى  
والسعد عنوانى  
فى الأيام اللى علمتنى

# عيش الحياة

عيش الحياة بسعادة

إن راحت ملهاش إعادہ

وعيش الحياة عشا

وحافظ على ملحها وعشا

وخليها تفرفشك وتفرفشها

عشا وبص لجمالها

إن راحت مفيش غيرها

وعشها  
إفرح فيها وإتهنى  
وأطب منها وإتمنى  
إنها تبقي جناً  
وأحلى أيام تعشها  
وطاوعها وتطاوعك  
إوعى تخليها تلاوعك  
الله عليك وإنّ فيها  
بالحب تكمل لك معانيها  
ودي حياتك إنّ انت ادري بيها



عشها ودور على السعد فيها  
وإوعى فى يوم تفرط فيها  
علشان فى الآخره مش حتلاقيها  
وعيش الحياة

# إخلاص أيوب

اللى جسمه داب دوب

وهو دايب في هوا المحبوب

الله الله على الإخلاص

اللى ميعرفوش كثير من الناس

إخلاص أيوب لربه

هو الوحيد اللى عالم به

ساعده ووقف جنبه

فِي إِخْلَاصِهِ

كَانَ صَادِقَ النِّيَّةِ

وَصَبَرَ كَثِيرَ مَشْ شَوِيهِ  
عَلَى الْمَحَنَةِ الْإِلَهِِيَةِ

مَا هُوَ تَعَبٌ كَثِيرٌ

وَأَخْلَصَ لِرَبِّهِ وَصَبَرَ

وَكُلَّهُ كَانَ تَفْكِيرٌ

فِي اللَّهِ مَشْ أَكْثَرُ

وَيَقُولُ الْحَمْدُ لِلَّهِ اللَّهُ أَكْبَرُ

ولو أكثر من كذا يارب نقدر

لأنه عارف ربه معاه

الدليل لما ناجاه

وكانت زوجته معاه

اللى على طول شيلاه

ولا مرة تعبت ولا قالت آه  
من قلبه بإخلاص قال يا الله

رميت حمولى عليك

وحدك يارب أنا جيک

سمع ربه نداه

وفى الحال لباً  
لما صير أيوب علي حكم الله  
وهو اتعب خلق الله  
نزل جبريل من عند مولاه  
قال منك ميفدنى

ربى هو اللى عالم بى  
منا صابر على حكمه  
وفى نهايه إخلاص أيوب لربه  
ربنا كرمه  
وخذ بيده

ومن التعب شفاه

ودا نتعلم منه

ومن إخلاص أيوب لربه

الإخلاص لله

كرمه على طول تلقاه

في كل نواحي الحياه

ومهما نتألم ولا نقول آه

ملناش غيرك ياالله

وحدك منك النجاه

# زهرتك متهملاهش

زهرتك ما متهملاهش

علشان غيرك ميسقيهاش

وتروح إنت بلاش

وتسيب زهرتك

زهرتك زهره جميله

فى شجره أصيله

فى بستان اليله

متهملهاش

لتدبيل منك

حتى ريحتها متلاقيهاش  
وتلقى غيرك خدها

ولنفسه مهدها

يا صاحبي خلى من الزهر

تفضل ريحته معاك طول العمر

متهملهوش وإهتم بيه

ليجي يوم تدور عليه



وإن راح أبدا متلاقية  
حتى لو عملت منادى عليه  
منت اللى قصرت فيه  
لما سبته وأهملت فيه انت بايعه ولا شاريه  
إن كنت بايع لك مش راجع  
ولو شاريه  
حطه فى عينيك وحافظ عليه  
وإهتم على طول بيه  
وزهرتك متهملهاش

# موال الصبر

خلينا صابرين

و أدينا يا قلبي صابرين

وقدينا العمر صابرين

وأكثر من كذا يارب صابرين

وإن خلص الصبر أجيبه منين

العيشه مرار

وإحنا مساكين وعالم ربنا بالاسرار

وعلى حالنا صابرين

وملناش غيرك يارب معين

وصبرت انا صبرت  
وعلى حالى قدرت

وكتير كتير صبرت

بس الصبر مر

حتى الدوا كمان مر

والصبر تعب من صبرى

وأجيب منين صبر

على حالى يصبرني

قلت يارب على الصبر

بالصبر صبرنى  
وعلى مر الصبر يارب قدرنى  
لجل نفضل صابرين

# أنا بكي

بكيت بدموع

بصوت مش مسموع

والقلب بات موجوع

وألمه ساكن بين الضلوع

خلاني أبكي

أبكي على نفسي

ولا أبكي على حالي

وآه من نفسي

واللى جوالى  
عاملت ناس  
عاشرت ناس  
طلعو مش ناس  
باعونى ببلاش  
وفضلت أبكى  
لما نزلت دموع عنيا  
غرقت اللى حوليا  
لما راح نظرى

وتاھت سکتی منی

وراح فیھا عمری

عمری الی فنیتو

والخیر ملقیتو

راح بلاش

لما ضحك علیه الی میسواش

وخلانی ابکی

# كله راح يا زمن

العمر راح

الفرح راح

السعد راح

كله راح راح

يا زمن

اللى راح مش راجع

غير بتقلّيب المواجه



أدينى فضيت يا زمن

بعد مدفعت التمن

على اللى راح  
اللى راح كثير

أولها الضمير

خلي الجسم داب وإتهرى

من كتر اللى جرى

ومعرفش ليه الناس

راح منها الإحساس

ولا عايشين وخلص  
خلص خلاص يا زمن  
أمانا راعينى شويه  
وكفايا منك أسيا  
راعينى علشان أعيش  
أكثر من كدا متتعبنيش  
فين حنانك فين  
فين الأمان فين  
أدينا خلاص دفعنا التمن  
وكله راح يا زمن

# وجع الأحباب

آه من وجع الأحباب

اللى زود فينا العذاب

وساب القلب خراب

وفتح للحزن أبواب

اللى الشعر منه شاب

وجع الأحباب

آه من وجعهم آه

وجعهم غير الناس

لأنه على الجرح داس

موت فينا الإحساس  
وترك وجع متخذهوش كراس

وجع الأحباب

ما هم عارفيني

علشان منى

ضربتهم قويه

مفهاش أبدا حنيه  
وبكيب غصب عنى  
ونزل الدمع منى  
وعمل على الخد قتال  
لعبروه الأحزان  
ومسبش للفرح مجال  
لحد متعبت منا إنسان  
قولولى فين الأمان  
مدام الأحباب سبب الأحزان

وآه من وجع الأحباب

لفيت على الأبواب

بدور على الأحباب

ملقتش جواب

لقت كله راح

ومسبش غير الجراح

من وجع الأحباب

# الحلم الضائع

آه منك يا حلم

نفسى تبقى علم

ونشوف الحقيقة

طاهرة وبريئة

تسعدنا كل دقيقة

يا حلم

ولا حلم وراح  
ومنه مش مرتاح  
وبقيت أنا سواح  
وليه يا حلم تبقي حلم  
ولا بلاش بيك علم  
خلينا نعيش  
وناكل عيش  
بعيد عنك يا حلم  
منت حلم ضايع





حتى لو كثرت الصنایع

وسألت الحلم سؤال

ليه كذا الحال

إنت صعب المنال

رد عليا وقالی

أحلامكم تملی

أحلام كبيرة

خارج التسعيرة

علشان كذا ضایعه

وبقيت انا الحلم الضایع

# اللى بحبهم

تعبونى اللى بجازيهم  
بعد مراح عمرى عليهم  
ومتمرش أبدًا فيهم  
برضه تعبونى  
أعمل إيه أنا تانى  
حققت لهم كل الأمانى  
ومسكنهم وجدانى

وبرضه منهم آه يائى

الى بحبهم تعبونى

وطيرو النوم من عيونى  
حتى فى حالى مسبونى

ولا يوم جم يزورونى

ولا حتى سعدونى

الله يجازيهم الى بحبهم تعبونى

بس شطار فى الأذية

بعد ما إدتهم عنيا

واستكثروا الضحكة عليا

تعبونى الله يجازيهم  
وخلص فقت لنفسى  
بعد ما صعب عليا نفسى  
وقلت كفايا اللى راح  
وأعالج الجراح  
وأعوض اللى منى راح  
منا معايا ربنا  
هو اللى عالم بيا  
يكرمنا كلنا



وأبعد عن اللى حبتهم  
وتعبونى

# الكبير

إزيك يا كبير

بحبك يا كبير

وحشنا يا كبير

منور يا كبير

يا مالى قلوبنا

وفي غيابك تعبنا

قوى يا كبير

مفیش غیرک فی الدنیا  
وہبک بیزید کل ثانیہ  
والحیاء معاک حاجۃ ثانیہ  
ومن غیرک تبقی فانیہ  
یا کبیر  
ببعت لک سلام  
تحیہ واحترام  
علشأتک یا کبیر  
لمقامک الکبیر

وعلى طول الألفينى

أشواقى لك وخذانى

ومعاها سلام مربع

وأنت فى القلب مربع

قاعد فيه ومتربع

وحنانك لنا يشفع  
يا كبير

منتا فاكرا

وأبدا مش ناسينا





صغيرنا وكبيرنا  
يا كبير ولا كبير إلا الكبير  
والكبير ربنا  
معاك ومعانا كلنا  
يحرصك لنا  
ومعاك عزنا  
يا كبير

# عشرة الواطى

لا تعاشر الواطى

ولا تخلى الواطى يعاشرک

لأنه واطى

ومهما تديله هيكلك

إسألنى أنا عليه

اللى عملته كمان فيه

كنت باخد من قوتى وأديه



أكل وشبع ومتمرش أبدا فيه  
كنت دائما أعطف عليه وأراعيه  
قلت يمكن يتمر يوم فيه  
سبنى وحديا  
ومشى ومسألش فيا  
بصيت عليه  
وناديت عليه  
وقلت له فيه  
حاولت أرجعه

ومن حبي أسمع  
ومديت إيدي من تاني  
وحن له قلبي من تاني  
وحاولت أعليه  
طلع واطي متمرش فيه

# شفت بعينى

شفت بعينى محدش قالى

الخلوه نورها وصلّى

معايا فى قلبي منورلى

سكه العاشقين

الحيارا المغربيين

اللى منهم شفت

ياما شفت

ومش أنا اللي إخترت

قلبي وآه منك يا قلبي

هو اللي اختار لي  
مسبنيش اختار

بين الجنة والنار

اختار ليا القمر

اللي بنوره عليا ظهر

ويجي له كمان امر

وقال انا لك وانت ليا

يا أغلى من نور عنيا

حبيبي ملاك مش بشر

إنت أحلى قدر

شفته بعيني

والود ودي

أخدك بيدي

وأقول يا موج هدي

موج بحر الهوا

أنا وحبيبي سوا

ومنه أحطك في عيني  
يا حبة عيني  
وتبقى معايا أيامي وسنيني  
من اللى شفته بعيني



# مستحيل أنساك

مستحيل أنساك أنا

في قلبي شيلاك أنا

وإن رحت مني

يبقى غصب عني

هدور عليك

لأن مستحيل أنساك

أنساك ليه

هو جرى ليه

أنساك عليه

وهى الدنيا على دى ودى  
ودوس على الصعب وعدى

منا ساكن فى قلبي

ومستحيل أنساك

تخيل إنت تخيل

الحياة من غيرك تبقي إزاي

تبقى صعبه وملل  
خلينا مع بعض نعيشها  
بلاش وحدك تعيشها  
ولا عاوز ننساك  
مستحيل أنساك

# الطبيب

أنا رحت للطبيب

أشوف دوا لحالى

قال الطبيب

مالك يابنى ومالى

روح للى ذكره يحلالى

دواك يابنى غالى

دواك فوق فى العلالى



عند رب البرايا  
قلت يا سامع ندايا  
خليك معايا  
أنا بناجيك  
ورافع إيدى إليك  
اترجاك  
أدعوك وحدك  
ألطف بعبدك  
أنا محتاج لك  
علشان دوايا عندك  
ما هو إنت الطبيب

# يا زارع الخير

يا زارع الخير

إزرع كثير منه

إزرعه ومتخفش أبدا منه

إن مكنش لك إبنك ياكل منه

يا زارع الخير

قولى تقاويه فين

لجل اشترىها وأزرع فدادين

يطيب بها القلب وتسر العين

وأفرح أنا ومعايا الناظرين

الله عليها لما تطرح بالخير  
ياكل منها الناس والطيور

ما هو الشجر أنواع

فيه الحلو وفيه المالح

زى البشر منهم الصالح

ومنهم فى الأذى فالح

ومهما تديله ميتمرش فيه

ما هو أصله غالب عليه  
يبقي خساره يمسكه بإديه  
زرع الخير



أحلى مسا

أحلي مسا

والمسا ليكم

ياللى قاعدين على كراسيكم

ومحلوش المسا غير بيكم

ونقدم لكم أحلى مسا

ونقول من تانى

مسا أول وتانى

ياللى على طول رؤياكم وحشاني

أنا منكم وإنتو منى

يا ساكنين العين والننى  
ويطيب لكم السلام

ومعاكم أسهر منام

وعلشانكم تعظيم سلام

مع أحلى مسا

وبمسى على الحبايب دول

وكممان دول ودول

ومن قلبى المسا على طول

# حلو الكلام

إحنا فى الكلام بارعين

وللى بيقوله مين

وعليه يا صلاة الزين

يارب إنت وحدك المعين

تسعد القلب الحزين

أنا شفت ناس

وعاشرت ناس

طلعو خاينين

وباعونى باعونى

باعونى من غير تمن  
وضعت فى آخر الزمن

ومعتش حد يؤتمن

ما هو سمعونى كلام

عليه يا سلام

لقيتو حرام فى حرام

ومنين أجيب ناس

عندها تقوى وإحساس

تحافظ عليا يا ناس  
وأعيش فرحان متهنى  
وبالكلام الحلو أغنى  
ويبقى أحلى كلام

# حزن ماینتهیش

حزن ماینتهیش

یا دنیا حزنک بقى کثیر

تعننا کلنا الصغیر والکبیر

یا دنیا

لیه کل دا الحزن

إمتى تفرحینا

ولا خلاص نستینا

ومنه إترسمت على خدودنا

علامات وعلامات

لحد متحفرت قنوات  
إمتى يروح الحزن

الى مبينتهيش

ويجى الفرح

ويخف الجرح

من حزنك يا دنيا

يا دنيا خلينا نفرح خلينا

ويسعد كل سكان واديننا

ورافعين للسما اديننا

يارب إهدى العاصي فينا

لجل يروح الحزن

الى ما بين تهيش



# خليني ذكرى

خليني ذكرى

وافتكرنى

معندكش فكرة

لو مهجرنى

أنسا بكرا

وأبق ذكرى

وعيش الحياة معايا

وخلي هواك هوايا

ومتدودش أسايا

ونفسي كمان بكرا

وخليني ذكرى

ذكرى جميلة

يسعد بها كل ليلة

ونتلم الأصحاب

الى قلبهم داب

من قلة الأحباب

ویدور علی صاحب

ینفع بکرا

یسیب معاه ذکرى

# قبله على خد القمر

شفت القمر

والقمر أنا شيفه

قلت ربنا رضانى

لما ؟؟؟؟؟ له جانى

وبأحلى تحيه حيانى

وسمح ليا بقبله على خده

ما هو القمر

يعيش زيه

غير كل البشر

مالى الكون ضيه  
وسأله سؤال

مين خلاك قمر

رد وقال

ربنا معاك

إنتوا يا بشر

مش راضيين بنصيبكو

ولا حامدين ربكو  
على عطاياه لكو  
يا عبد ارضى بنصيبك  
وميصيبك إلا نصيبك  
وبلاش تبص لغيرك  
تفوز رضا ربك  
وتوصل للقمر  
وتفوز بقبله على خد القمر  
وتغنو للقمر غنوه

يا نور القلب من جوه

كله جنبك ولا يسوا

وتبقى القبله على خدك أحلى

# متمثلش عليه الحب

متمثلش عليا الحب

وتخليني أعيش في أوهام

ونا بقلبي عشقتك

لما بعيني شفتك

وانت منك يا سلام

توهتنا في عد الأيام

لما وعدتني وخذلتني





وبأوهامك خدتنى

أنا معاك صريحة

وانت تعيش فى راحه  
حتى عيونك فضاحه

نظره جايه ونظره راحه

بتمثل عليا الحب

ومتمثلش عليا الحب

لأن قلبى سكنته

بس بأوهامك جرحته

وليه تجرح ليه

ليه توهم ليه  
الحياه فيها إيه  
تستاهل عليه  
إنك تمثل عليا الحب  
وتخلينى أعيش فى أوهام

# عجب عليك يا زمن

عجبي عليك يا زمن

مفیش حد فيك يوتمن

لما تريح ناس

على حساب ناس

وكله دافع التمن

خلاص مفیش أمان يا زمن

وآه منك يا زمن

لما ترخص الغالى

أبو المقام العالى

وتغلى الى ميسوش  
بعد الغالى مراح بلاش

أمانا عليك يا زمن

إنت فى يوم متنسانى

وتغرقنى فى أحزانى

وتنسينى إسمى وعنوانى

وتخلينى أعيش وحدانى

وعجبنى عليك يا زمن

# إشهد يا زمان

إشهد يا زمان

إشهد عليا أنا

أفضل زى منا

ولا حاجة تهزنا

وإشهد بكرا يا زمان

أحب كل الناس

وأشيلهم على الراس

وعيونى لهم حراس

لأن حبي لهم متخدوش كراس

وإشهد يا زمان  
أعمل الخير

بكل ضمير

للصغير والكبير

ولا يهمنى فعل الغير

وأجرى من الله

توكالى عليه

هو اللى يحمينى ويحميه

وأشهد يا زمان

# القدر

ليه يا قدر تلعب بيا  
وليه تعمل كدا كدا فيا  
تزعلنى على أغز ماليا  
يا قدر  
إحنا لك معروفين  
وانت أراضيك فين  
يحمينا منك رب العالمين

يا قدر

قول ليه إنت متداری

وبینا مش داری  
من أسوتك یزید مراری

وتخلي يا قدر

أمانا عليك بلاش بینا تلعب

وتخلي الحياه بینا أصعب

محنا منك مش هنهرب





يا قدر  
أنا بقول يارب  
يا مسبب الأسباب  
افتح لنا الأبواب  
أبواب رحمتك  
لدخول جنتك  
وتنجينا من القدر

# غدر السنين

سنين عشناها

وأيام وعديناها

لما توهتنا

تعبتنا

وفى الهم غرقتنا

وتاهت فيها خطاويننا

ولا عرفنا رسنا من رجلينا

في السنين

وآه منها

واللى جرى من عمايلها  
لما تعبتنا

توهتنا

ولا عرفنا فين بيتنا

وغدرت بينا غدرت

ولا حاجة عليها قدرت

لما عايشين فيها منظر

والحلو فيها ممر

نفسنا فى يوم ندوق السكر

بعد غدر السنين

أمانا بصى وعبرينا

واسألى فى يوم علينا

يمكن ينصلح الحال لينا  
ومنك تحلو نظرة عنينا

ومهما تعملى فينا

إحنا بالله مؤمنين

وعلى حالنا راضيين

مهما غدرت بينا السنين

# بلاش تلعب بيا

بلاش تلعب بيا

وتزود الجرح فيا

هو انت عملت شويا

لما تلعب كدا بيا

هتلا عبنى

هلاعبك

هتزعلى

هز علك

أحسن لك

خلينى جوا قلبك  
أسكنه

وأفرح بك

وهواك أعشقه

قرب منى قرب

وبلاش تروح وتهرب

وليه يا غالى تعند

وتزود فى العناد

لحد البعد بينا زاد

ولا بتلعب بيا

بلاش تلعب بيا

يا صاحبي خليك جد شويا

وبلاش تبعد  
لجل يزيد الود

ونعيش حياة حلوة بجد

بدل متلعب بيا

وبلاش تلعب بيا

# یا حلوه ردی

یا حلوه ردی

ردی علیا ردی

وخلی ردک ودی

خلی الکلام یاخذ ویدی

معاکی یا حلوه

إمتی علیا تردی

خلینی ارتاح



وتكسبى ودى  
يا مو الخدود تفاح  
نفسى أكون معاكى  
وافوز برضاكى  
علشان قلبى بيهواكى  
والله عليكى لما تردى  
حبك يزيد عندى  
يا سلام عليكى يا سلام  
بدر ليلة التمام  
معاكى نسهر منام

وان رحتي كفايا الأحلام

ويا حلوه ردى



# الغزاة

عيني رأيت غزاله

ماشيه ورا الصياد

لا بتروح له

ولا بتسيبو يصطاد

قلت مالك يا غزاله

ليه ماشيه ورا الصياد

قالت المشى عيني

هو حياتي ومهجتي

ومفببش غبره فى سكتى

شاغلى هواه  
كل يوم استناه

قلت مالك يا غزاله مالك  
بتحطى نفسك فى مهالك

قالت الغزاله

مش عايزه قوله

ده انا حالى حال

ليه بس السؤال

هو غصب عنى



هواه شاغلنى

مشيت وراه

لجل أفوز رضاہ

قلت خلیکى فى حالك خلیکى  
يمكن ربنا یراضیکى

وتتولى رضا الصیاد

# البحث عن الفضيلة

البحث عن الفضيلة

في زمن الرزيلة

بحاول أشوف الحق

واخليه على الباب يدق

لجل القلب يرق

في زمن الرزيلة

الفضيلة مالها

إليه جرى لها

عاوزين نشوف أحوالها

لجل تتغلب على الرزيلة  
ونفسى تعود الفضيلة

اللى طريقها مسدود

وراح فين الخير

الحمد لله عندنا منه كتير

بس محتاج نصحى الضمير

لجل تعود الفضيلة

فى زمن الرزيلة

الكل فيه بيقول نفسى

ويا خوفى على نفسى

تتوه جوا نفسى

ومطلش اللى فى نفسى

وأقع فى الرزيلة

لكن ربنا موجود

يفتح الطريق المسدود

لجل الحق يعود

وتعود معاه الفضيله

فى زمن الرزيله



## الشاعر فى سطور



مدير عام بهيئة ميناء

اسكندريه

ولي اعمال تلفزيونيه

مسلسلات افلام كليات

حلقات شعريه علي قنوات تلفزيونيه مختلفه

المستشار الثقافي لقناة صوت النيل الفضائيه

و عضو الاتحاد الدولي للادباء والكتاب و عضو لجنة  
مكافحة الارهاب

عضو لجنة دعم الجيش والشرطه

### صدر له :

أمير الكلمات ( أشعار ) عن مؤسسة النيل والفرات ٢٠١٩

نسيت أكتب إسمى ( أشعار ) عن مؤسسة النيل والفرات  
٢٠١٩

موال الصبر ( أشعار ) عن مؤسسة النيل والفرات ٢٠١٩

\* حاز العديد من شهادات التقدير والدروع فى مناسبات  
مختلفة  
\* حضر العديد من الأمسيات الشعرية فى مصر

# محتوى الكتاب

بطاقة الكتاب	٢
الإهداء	٤
وفيت حتي بكيت	٥
ماتت ضحكتي	٨
علمتني الأيام	١٢
عيش الحياة	١٥
إخلاص أيوب	١٨
زهرك متهملهاش	٢٣
موال الصبر	٢٦
أنا ببكى	٢٩
كله راح يا زمن	٣٢
وجع الأحباب	٣٥
الحلم الضائع	٣٩
اللى بحبهم	٤٢
الكبير	٤٦
عشرة الواطى	٥٠
شفت بعينى	٥٣

٥٧	..... مستحيل أنساك
٦٠	..... الطبيب
٦٢	..... يا زارع الخير
٦٥	..... أحلى مسا
٦٧	..... حلو الكلام
٧٠	..... حزن ما ينتهيش
٧٣	..... خلينى ذكرى
٧٦	..... قبله على خد القمر
٨٠	..... متمثلش عليه الحب
٨٣	..... عجب عليك يا زمن
٨٥	..... إشهد يا زمان
٨٧	..... القدر
٩٠	..... غدر السنين
٩٣	..... بلاش تلعب بيا
٩٦	..... يا حلوه ردى
٩٩	..... الغزالة
١٠٢	..... البحث عن الفضيلة
١٠٥	..... الشاعر فى سطور
١٠٨	..... محتوى الكتاب